

編號 5 號

【幸福的滋味！】 劉美玉原作

人咧講：「無冬節都咧掌圓—矣！何況(hóng)是冬節—咧！」阮爸母一向攏足勢 變(pinn)東變西，不管時攏會想一寡步數趁食。他的絕招實在有夠濟，無論縛粽、掌圓仔、炊粿、做草仔粿抑是種菜等等逐項會！三不五時仔做予囡孫仔食、有當時仔送親情朋友、有時陣寄人賣、有時仔嘛會圓佇家己的門口賣。庄仔內知影的人，逐家攏真搣場(phâng-tiûnn)，相招來交關，袂輸若毋較緊—咧，會予人搶頭香—去，定定看 笑甲喙仔裂獅獅，兩個老翁仔某不時嘛做甲真樂暢(lok -thiòng)！

所以，自細漢看到大漢，過年過節 攏真無閒。啊毋過慢慢仔年歲愈來愈濟，囡孫仔嘛大漢—矣！逐家攏講：「天氣燒熱，食無遐濟，買幾粒仔拜拜就好！閣再講阿爸身體欠安、逐家閣攏愛上班，無跤手通門相共，食著真歹勢—呢。」

後—來，五日節一到，阿母全款趁阮逐家無閒去上班的時，偷偷仔攢(tshuân)物件，照常縛一棺(kuānn)閣一棺的肉粽，吩咐阮兄弟姊妹緊棺轉去予逐家食。阮那食肉粽，心肝頭那感覺燒烙燒烙，彼種幸福的滋味，就親像電視廣告的話全款，「足感心—

的！」阿母！你哪會攏袂忝(thiám)！其實阮知影—啦！因為你真心疼痛(thiànn-thàng)阮每一个囡孫，阮嘛全款毋甘你傷忝—啦！

想起往年，阿爸的身體猶閣勇健的時陣，無論冬節抑是過年到—矣，伊俗阮阿母攏佇灶跤出出入入、無閒頤頤(tshih-tshih)，一个杯(put)米去浸、一个就攢石磨仔通挨粿；無論是籠床(lâng-sn̄g)、抑是簸(kám)壺仔，攏鑪(lù)甲金爍爍(sih)；粿巾洗甲清氣 tam-tam，殼仔(khok-á)大大細細攢甲真齊全。粿袋仔一擺攏攢幾若跤，驚毋挂好若破空，彼就食力—囉！

粿漿挨好了後，阿爸就共規袋粿袋仔搨(mooth)起去椅條頂，用一枝扁擔哲佇面頂，閣用索仔縛幾若輾(liàn)，三不五時就去反爿(ping-pîng)，伊講愛哲予焦，才會做—得！焦水了後，倒佇咧簸壺仔內，先用雙手掌予散，阿母隨攢一塊粿粞(tshè)落去煤(sah)，才起來摻落去擗(nuá)予齊勻(tsiâu-ûn)，厝內大細逐家圍佇咧簸 壺仔邊掌圓仔，那講那笑，彼種幸福的滋味，猶不時出現佇我的腦海中。